

嘉靖漢陽府志

宦蹟志

府

晉羊祜都督荊州軍事綏懷遠近甚得江漢心  
陶侃字士衡以荊州刺史都督諸軍事嘗移  
鎮沔口遣朱伺等討江夏賊平之楚郢士女  
莫不相慶

隋柳儉仁壽中爲沔州刺史坐事免官煬帝即位徵之是時以功臣任州牧領郡者並帶戎資惟儉起自良吏帝嘉其賢特授朝列大夫

清節愈厲大業五年郡國畢集於朝帝謂納  
言蘇威吏部尚書牛弘曰郡守中清名天下  
第一者爲誰威等以儉對帝又問其次以涿  
郡丞郭絢潁川郡丞敬肅對帝賜儉帛二百  
勅天下朝會者送至郡邸以旌異焉

唐王忠嗣鄭縣人父海濱與土番戰死忠嗣九  
歲見玄宗論兵授尚輦奉御佩四將印養之  
禁中及長雄毅有武畧節度朔方及河東有  
破賊功玄宗欲使忠嗣攻土番忠嗣上言石

堡險固非殺數萬人不能克臣恐所得不如  
所亡不如厲兵秣馬俟其有釁然後取之上  
意不快將軍董延光請行上使分兵助延光  
忠嗣不得已奉詔而不盡如其所欲李光弼  
勸曰大夫何愛數萬段帛不以杜讒口忠嗣  
曰以數萬衆爭一城得之不足以制敵不得  
無害於國故不欲為之今受責天子不過以  
一將軍歸宿衛其次不過黔中上佐豈以數  
萬人命易一官乎延光言忠嗣沮撓軍法上

怒李林甫又讒之徵忠嗣入朝鞠之上聞哥  
舒翰名召翰入朝或勸翰多賁金帛以救忠  
嗣翰曰若真道尚存王公必不寃死如其將喪  
多賂何爲三司奏忠嗣當死翰力陳其寃貶  
漢陽太守羅景綸曰漢趙充國唐王忠嗣本  
朝曹彬有三代將帥氣象按史傳載漢陽太  
守龐參鄭璩杜纂張奐傳燮蓋勲馮盎輩頗  
多趙志已收參璩纂三人今考唐武德始置  
漢陽郡於今境忠嗣貶於玄宗朝故書漢陽

太守自忠嗣始舊志有任棠與參相關並除之唐以前漢陽郡在今陝西秦州

賈載至德中爲沔州刺史建秋興亭

杜公開元末爲沔州牧與李白相友善有惠愛於民時人以杜公呼之失其名

張廷珪開元中爲沔州刺史在官有威化嘗

應詔言事

李恕漢陽守

劉清字得一天成中爲刺史

虞常會稽人爲郭子儀從軍事參軍子儀薦

之遷沔州刺史

張謹

判官謂之弟

輔翼錄事李白贈詩其一聞君罷官意我抱

漢川湄借問久踈索何如聽訟時天清江月  
白心靜海鷗知應念投沙客空餘吊屈悲其  
二鸚鵡洲橫漢陽渡水引寒烟沒江樹南浦  
登樓不見君君今罷官在何處漢口雙魚白  
錦鱗令傳尺素報情人其中字數何多少祇  
是相思秋復春其三誰道此水廣狹如一匹

練江夏黃鶴樓青山漢陽縣犬語猶可聞故  
人難可見君草成琳檄我書魯連箭報國有  
壯心龍顏不回眷西飛精衛鳥東海何由填  
鼓角徒悲鳴樓船習征戰抽劒步霜月夜行  
空庭徧長呼結浮雲埋沒顧榮扇他日觀君  
容接壺接高宴

宋孔成

劉辟疆

胡介

蔡純仁

宣和

劉誼

皇甫煥

王弔甫

于震

孫杓

馮杞

皆知軍

趙鄭知軍築堤置閘水患以除有善政著聞

者

曹彥約字簡甫都昌人淳熙八年進士嘗從朱  
熹講學歷建平尉桂陽司錄辰溪令知樂平  
縣主管江西安撫司機宜文字知澧州未上  
薛叔似宣撫京湖辟主管機宜文字漢陽闕  
守檄攝軍事時金人大入郡兵素寡弱彥約  
搜訪土豪得許高俾總民兵趙觀俾訪水道  
党仲昇將宣撫司軍屯郡城金重兵圍安陸  
遊騎闖漢川彥約授觀方畧結漁戶拒守南

河觀逆擊斬其先鋒且遣死士焚其戰艦晝  
夜殊死戰追擊金人大敗去又遣仲昇劫金  
人砦殺千餘人仲昇中流矢死奏觀補成忠  
郎漢川簿尉贈仲昇修武郎官其後二人彥  
約以守禦功進秩二等就知漢陽嘉定元年  
詔求言彥約上封事謂敵豈不以歲幣爲利  
惟其所向輒應所求輒得以我爲易與而縱  
其欲莫若遲留來使督責邊備假以歲月當  
知真僞設復大舉則民固已怨矣欲進而我

官路志 卷之六  
已戒嚴畝退而彼有叛離決勝可期矣

陳執中知漢陽軍持心公正人莫敢干以私  
陳升之知漢陽軍以時俗好藏去交親尺牘  
有訟則轉相告言有司據以推詰及入知諫  
院謂此乃告訐之習請禁止之

彭乘四川人登進士通判漢陽軍性仁孝嘗  
與同寅遊睡鳳棲山衆皆欣然有宦遊之樂  
乘獨愀然嘆曰親老矣豈可久舍晨昏之奉  
而爲一身之榮乎奏乞歸養冠萊公聞其賢

薦爲集賢院校理固求侍親上嘉之特除知  
普州舊制蜀人不許之蜀官因乘之奏特恩  
此始

陳規爲本軍宣撫使時倣古屯田并百姓授  
田各立爲法制兵屯以大使臣主之民屯以  
縣令主之以歲課多少爲殿最下諸鎮推行  
之

趙朝奉嘉定五年郡守

游酢字定夫建州建陽人以文行知名所交

皆天下士程頤見之京師謂其資可以進道  
程顥興扶溝學招使肄業盡棄其學而學焉  
第進士調蕭山尉近臣薦其賢召爲大學錄  
遷博士以奉親不便求知河陽縣范純仁守  
潁昌府辟府教授純仁入相復爲博士僉書  
齊州泉州判官晚得監察御史歷知漢陽軍  
和舒濠三州而卒宋史本傳趙志云召郡中士子  
講明性理道德之學立身脩己之道一郡風  
俗醇美有士君子之風

孫承議知軍 王朝奉知軍

張汝明漢陽軍判官時行公田法受牒按境  
內使四隅日具官吏所至而躬臨以閱實雖  
雨雪不渝以故吏不得通賕謝而稅均於一  
路

吳處厚元佑中知漢陽軍有善政公餘常遊  
郎官湖賦詩云郎官湖上郎官遊只教閑客  
生閑愁煙波蕩漾四五頃風月淒涼三百秋  
題大江詩云江漢滔滔一向東暮雲變隼夕

陽紅當時以爲佳句蔡確在安州遊車蓋亭  
賦詩十章其一云矯矯名臣郝甌山忠言直  
節上元間釣臺蕪沒知何處嘆息思公俯碧  
灣處厚爲軍時以確詩爲訕謗且論確用郝  
處俊上元間諫高宗欲傳位武后事以爲指  
斥東朝執政欲寘于法范純仁王存以爲不  
可得貶確英州安置新州以死斯亦不足道  
也矣

王得臣知軍有善政

黃榦字直卿福建閩縣人受業朱熹旣至而熹他出榦因留客邸臥起一榻不解衣者二月而熹始歸榦自見熹夜不設榻不解帶少倦則微坐一椅或至達曙熹語人曰直卿志堅思苦與之處甚有益嘗詣東萊呂祖謙以所聞於熹者相質正及廣漢張栻亡熹與榦書曰吾道益孤矣熹病革以深衣及所著書授榦手書與訣曰吾道之託在此吾無憾矣通判安豐軍尋知漢陽軍值歲飢糴客米發

常平以賑制置司下令欲移本軍之粟而禁其糴榦報以乞候榦罷然後施行及援鄂州之例十之二告糴於制司荒政具舉旁郡飢民輻輳惠撫均一春暖願歸者給之糧不願者給廬居之民大感悅所至以重庠序先教養其在漢陽即郡治後鳳棲山爲屋館四方士立周程游朱四先生祠以病乞祠在漢陽有講章有疏草諸稿嘉靖初漢陽知縣石銓梓之惜多脫誤題爲勉齋先生政教錄今畧附